

## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum  
viginti octo, totidemque sermones. In Monotesseron Praeterea Eivsdem  
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum  
festiuitatibus habitae

**Landsberg, Johannes Justus**

**Coloniae Agrippinae, Anno M.DC.XXVIIII**

Iesus pilato iudicandus adducitur Art. & Hom. XXV.

[urn:nbn:de:hbz:466:1-47113](https://nbn-resolving.de/urn:nbn:de:hbz:466:1-47113)

dentes & absque honestate, libere & s̄pē numero etiam ad maiorem damnationem suam impune peccant: atque ideo Deo, quasi non videret, aut non curaret, peccatis illudunt, quando scriptum legimus: *Qui plantauit aurem, non audiet?* aut qui fixit oculum non considerat? Item, *Scrutans corda & renes Deus.* Vbiique igitur & omni tempore Deum reuereamur: & etiam soli, propter diuinam præsentiam, honestatem obseruemos. Attendamus semper faciem Christi, vbiique nos videntem & cogitationes nostras: imò non solum cogitationes, sed intentiones etiam atque intentionum medullas intuentem, penetrantem, atque discutientem. Est tamen impudentia nihilominus singulare vitium, hominem dehonestans, superbum atque frontosum reddens. Posset hic de meretrice Thaide, postea tamen conuersa & sancta, & de Sancto Paphnutio abbe narrari, quomodo conuerterit illam. Vide in Vitis patrum, aut in Legenda de Sancta Thaide. Iterum hic discere debent puellæ & adolescentes, mulieresq; velare se, & ea quæ ad amorem illiciunt carnalem, abscondere: incedere non petulant facie, atq; oculis lascivientibus & vagabundis, sed ad terram demissis, atque in omnibus pudicitiam ostendere moribus ac vestimentis.

HORA PRIMA PASSIONIS DOMINI NOSTRI  
IESV CHRISTI hic incipit: circa quam ea quæ passus  
est, diuiduntur in articulos.

IESUS PILATO IUDICANDUS ADDUCITVR.  
*Articulus* XXV.

Matth. 27  
Marc. 15.  
Luc. 22.23.

Ioan. 18.

**M**ane autem factō, & vt factus est dies, conuenerunt seniores plebis, & omnes principes sacerdotum, & scribæ cum vniuerso concilio aduersus Iesum, vt eum morti traderent. Et duxerunt eum in concilium suum, dicentes: Si tu es Christus dic nobis. Et ait illis: Si vobis dixero, non creditis mihi: si autem & interrogauero, non respondebitis mihi, neque dimitteris. Ex hoc autem erit filius hominis sedens à dextris virtutis Dei. Dixerunt autem omnes: Tu ergo es filius Dei? Qui ait: Vos diciris, quia ego sum. At illi dixerunt: Quid adhuc desideramus testimonium? Ipsi enim audiuimus de ore eius. Et surgens omnis multitudo eorum, cum vniuerso concilio, vincientes Iesum adducunt eum à Caipha, & ligatum tradiderunt Pontio Pilato præsidi in prætorium. Erat autem mane. Tunc Iudas videns qui eum tradidit, quod damnatus esset, poenitentia ductus, retulit triginta argenteos principibus sacerdotum, & senioribus populi, dicens: Peccavi tradens sanguinem iustum. At illi dixerunt, Quid ad nos? Tu videris. Et proiectis argenteis in templo, recessit, &

fit, & abiens laquo se suspendit. Principes autem sacerdotum acceptis argenteis dixerunt: Non licet eos mittere in corbonam, quia precium sanguinis est. Consilio autem inito, emerunt ex illis agrum figuli in sepulturam peregrinorum. Propter hoc vocatus est ager ille, Acheldemach, hoc est, ager sanguinis, vsq; in hodiernum diem. Tunc impletum est quod dictum est per Hieremiam prophetam, dicentem: Et acceperunt triginta argenteos precium appretiati, quem appretiaverunt à filiis Israhel, & dederunt eos in agrum figuli, sicut constituit mihi Dominus.

## HOMILIA XXV.

**I**AM supra dictum est, quod postquam ab Anna Iesum Caiphas sibi missum receperat, concilium ibi congregatum expectabat seniorum, in quo discusus Iesus & damnatus est. Quia verò multi præsentes non fuerant Iudeorum, qui ad concilium vo cari solabantur in rebus arduis, postquam in primo Iesus est concilio damnatus, reliquerunt eum inter ministros illudendum. At vbi mane factum est, congregati sunt omnes, quorum ingens fuit multitudo, ad consilium, puta pharisæorum, scribarum, pontificum, seniorum atque septuaginta iudicium, vt omnes simul aut Christum damnarent, aut damnationem, quæ in primo præcesserat consilio nocte, confirmarent. Videte quam seriosa illis erat res, Dominum Iesum ad mortem iudici offerre, quando adeò mane (intermissio somno) omnes conuenerant, vt tractarent quid potissimum Pilato accusationis, qua magis in odium Christi traheretur, inferrent. Audito enim rumore hoc, quod Iesus foret captus; liuidorū erat nemo, qui nō gauderet. Omnes cōcilio interesse, omnes eidē illudere Christo cupiebant & exporbrare. Vide hic, quomodo Iesus è penu vel carcere, quo nocte aliquādiu custoditus est, extrahitur fune quo fuerat ligatus. Vide quā humilis ingreditur ante conspectum odientiū se, quomodo super eius ignominia exultant, quomodo increpantes illum blasphemantesq; contemnunt, quibusve iniurijs afficiunt. Adductum itaq; Iesum in concilium, denuo de hoc interrogant, an se fateatur Christum, quod est dicere, regem. Nam ante se confessus fuerat Dei filium. Verum de hoc parum sperabant indignari aut moueri Pilatum, qui paganus erat. Ideo nunc sciscitantur de eo, quod magis tangeret Pilati officium, an videlicet se Christum regem diceret: hoc enim illicitum erat, vetitumq; à Romanis. Quod ipsum vbi Christus non negauit, surgit omnis multitudo, & vincitum illum ducunt à Caipha ad Pilatum in prætorium. Hæc ductio Christi grauior erat ignominiosorq; reliquis prioribus: quia paganus erat Pilatus, pleno fungens officio & autoritate iudicandi ac interficiendi. Iuit autem bus grauior ligatis Iesus (vt multi volunt) manibus post tergum, & catenam magnam gerem fuisse. stans in collo. Inde accedit, quod vbi Iudas vidisset Dominum Iesum damna-  
tum ad mortem, poenitentia ductus, reportauit triginta argenteos, dicens:  
Peccavi, tradens sanguinem iustum. At Iudei non solum timuerunt, nec exter- Matth.27.  
riti sunt de scelere patrato, verum etiam illum deridere videbantur, dicen-  
tes: Tu videris quid fecisti. Nihil ad nos. Adeò excæcari erant Iudei, vt nihil ad

H

se per-

Duictionem  
Iesu ad Pilatū  
prioribus  
bus grauior  
ligatis  
manibus  
post tergum,  
& catenam  
magnam  
gerem fuisse.

se perrinere putarent sanguinis innocentis effusionem. Adeò non lœsam conscientiam suam sentiebant, vt sanguinem quem parabant fundere innocentem, licet reclamante atq; crimē suum retiocante traditore, nihilominus pertinientia facere satagerent. Deinde vide quam infirmam verēq; pharisaicam habuerint pharisaica conscientiam, vt non intrarent in prætorium, vbi super sanguine iudicatur, ne contaminarentur. Adeò volebant videri mundi, qui adeo fuere etiam ceci, vt sanguine quem emerant & fundi procurabant innocentem, non contaminari se putarent. O stulta & cæca præsumptio. Deinde precium sanguinis, ne aliam inquinaret pecuniam, non sinebant ad gazophylacium ponere: & tamen multum laboris, quo ipsum sanguinem fundant, insumunt: nec vt inquinentur, metuunt. Adduxerunt eum Pontio Pilato præfidi, non vt discutiendum examinandumvè, sed quasi absq; villa mora inter ficiendum.

*Iudicia temeraria quanto pere detestanda, quatenus item nosipos indicare debeamus.*

Iudicare alios quam sit periculo sum.

Iudicandum esse neminem

Iudicium temerarium quod sit, & quomodo vitandum.

Matth. 7.  
Lucæ 6.

Iudicare uti quilibet debeat seipsū.

Accusatores impiorum in diuino iudicio qui fint.

**D**iscamus nunquam velle hominem indicare. Periculum enim ibi est multiplex, & facilis error: nam et si qui ex officio (vt iudices constituti) debeant iudicare, reliqui tamen quibus hoc non incumbit officium, cur iudicant? cur tanto se pere committunt? Disce igitur tu neminem iudicare. Suspiciones fortasse licet inuitu incident, caue tamen sententiam qua definias, in animoq; tuo afferas aliquem esse malum. Periculum nunquid non satis tibi grandè videbitur, tantum te incidere peccatum, quantum illū delinquisse iudicas, si temere indicas? Iudicas autem temere, dum non sufficiens, satisq; euidentia adest testimonium, quo ita cogeris de proximo sentire. Vnde si proximum mortaliter iudicas delinquisse, iudicandoq; erras, tu ipse sic temere iudicando, mortaliter peccas. Firmo igitur animi decreto statue tibi neminem iudicandum, sed quicquid audieris, quicquid videris, stupidum teneor tuum, atq; in ambiguo (si non potes benè sentire) suspensum. Scito quia te multa latere possunt, quæ proximum excusare queant à peccato: quibus tu non cognitis, temere iudicas, si iudicas. Dicis fortasse, hæc non cognoui, quod fuisse per hoc aut illud excusabilis. Quod si sciui sem, non iudicassem. Nihil facis, nihil te excusas. Præceptum tibi à Christo est, neminem iudicare. CoGITARE igitur debueras, posse & proximum tuum multis excusari, & te pluribus falli: quare à iudicando, cor tuum debebas seruare liberum. Admonemur quoque nosipos hic iudicare seuerius, quo iudicium extremum securi experiemus, non à Christo iudicandi, sed potius cum eodem iudicaturi. Quicquid enim in nobis iudicamus ipsi, in hoc non iudicabimur in iudicio Christi. Nihil igitur, ne minimum quidem, in se bonus sint Christianus præterire indiscutum, nō reprehensem, non iudicatum, aut nō correctum, atq; ad limam renocatum. Tu igitur in teipso vide, discute, & corrige quicquid in te competeris perperam dictum, factum aut neglectum. Omni tempore sta vigil super conscientia tua, vt vbi cunq; te inuenieris defecisse, tu prior mox accuses te coram Deo: & non accusaberis in ultimo iudicio, aut in termino vita, vbi multi erunt accusatores ijs, qui se hic à peccatis suis non purgauerunt in sanguine agni, puta Deus, angelus bonus, angelusq; malus, conscientia quoq; tua ipsius.

I E S V S